

## Headlines

1. मुखमंत्री उमर अब्दुल्ला होंरें अज्ज बक्ख-बक्ख प्रतिनिधिमंडलें कन्नै मलाटी कीती ते विकास ते सामुदायिक मुद्दें पर तफसीली चर्चा कीती।
2. अधिकारिणं जानकारी दिती ऐ जे जम्मू-कश्मीर पेंशन बिल 10एं बरें च दूना होने दा अनुमान ऐ।
3. जम्मू-कश्मीर दे मुख चुनांS अधिकारी संजीव वर्मा होंरें आखेआ जे प्रदेश च पैहले गेड तैहत मतदाता सूचियें दी बशेष नजरसानी आली प्रक्रिया शुरू होई गेदी ऐ।
4. जम्मू रेलवे डिविजन नै घोशणा कीती ऐ जे जम्मू राजधानी एक्सप्रेस रेल गड्डी च बादू थर्ड ए.सी कोच लाग।
5. जम्मू थमां भारती वायु सेना अफसर स्कार्द्रिन लीडर नेहा देवी हुंदियां उपलब्धियां, अनुशासन ते अपने आपै पर विश्वास दा सफर।



## CM-Delegation

मुखमंत्री उमर अब्दुल्ला हुंदे कन्नै अज्ज कई प्रतिनिधिमंडलें उन्दे आवास पर मलाटी कीती ते उनेंगी अपने-अपने इलाकें ते समुदाय कन्नै जुडे दे बक्ख-बक्ख विकास ते कल्याण सरबंधी मुद्दें बारै जानकारी दिती। राज्यसभा सांसद सज्जाद अहमद किचलू, साबका डीडीसी सदस्य पूजा ठाकुर ते शमीम बेगम होंरें मुखमंत्री हुंदे कन्नै मिले। एह्दे अलावा अब्दुल गनी तेजी हुंदी अगुवाई च होरनें पिछडे वर्गे दे इक प्रतिनिधिमंडल नै बी मुखमंत्री हुंदे कन्नै मलाटी कीती ते बक्ख-बक्ख मुद्दे पुट्टे। मुखमंत्री होंरें प्रतिनिधिमंडलें दी गल्ल बडी ध्यान कन्नै सुनी ते लोकें दी भलाई-बेहतरी आस्तै प्रशासन दी बचनबद्धता दा जकीन दोआया। उनें आखेआ जे सभनें जायज मंगें गी तरजीह दी आधार पर नबेडेआ जाह्ग।



## SDCM-Railway CM

उत्तर रेलवे दे जम्मू डिविजन दे सीनियर डिविजनल कमर्शियल मैनेजर उचित सिंघल होरें अज्ज मुखमंत्री उमर अब्दुल्ला हुंदे कन्नै मलाटी कीती। बैठक दरान रेलवे दे आला अधिकारी उचित सिंघल होरें मुखमंत्री होरेंगी खित्ते च रेलवे दिएं औंदी पैहलकदमियें बारै जानकारी दिती। इस मौके पर सिंघल होरें गी जम्मू-कश्मीर च रेलवे सरबंधी कम्में-कारवाइयें गी तगडा बनाने लेई उंदी बशेष सेवाएं ते बेशकीमती योगदान लेई सम्मानित कीता गेआ।

<><><><><><>

## Pension-Bill

जम्मू-कश्मीर सरकार दा पेंशन बिल-2020 थमां 2030 तोड़ी 10 बरें दी अवधि आस्तै दोगुणा होने जा'रदा ऐ ते 2 लक्ख 48 ज्हार सेवानिवृत्त कर्मचारिएं गी भत्ता दित्ता जा'रदा ऐ। जम्मू-कश्मीर प्रशासन नै एहू बी दस्सेआ जे ओल्ड पेंशन स्कीम गी दोबारा अमल च लेआने बारै कुसै बी प्रस्ताव पर बचार नेई कीता जा'रदा ऐ तां जे लम्में समें एहू टिकाउ साबत नेई होग ते आर्थिक स्थिरता आस्तै खतरा बनी सकदा ऐ। सरकारी आधिकारिक आंकड़ें दे मताबक 5 ज्हार 829 करोड़ रपे 2020-21 च सेवानिवृत्त कर्मचारिएं गी पेंशन दे रूप च देई दित्ते गए हे ते एहू आंकड़ा 2030-31 च 11 ज्हार 798 करोड़ पुज्जने दी मेद ऐ। जम्मू-कश्मीर विधानसभा च एहू जानकारी सरकारी आसेआ इक कटौती प्रस्ताव दे जवाब च दिती गई।

<><><><><><>

## JK-SIR

जम्मू-कश्मीर दे मुख चुनांऽ अधिकारी संजीव वर्मा होरें आखेआ जे जिआं मुलखै दे होरनें हिस्सें च मतदाता सूचिएं दी बशेष नजरसानी दी प्रक्रिया जारी ऐ ते किश इलाकें च पूरी बी होई गेदी ऐ, इस्सै चाल्ली जम्मू-कश्मीर च बी पैहले गेड़ च एहू प्रक्रिया शुरू होई गई ऐ।

जाली वोटें दे बारै च बोलदे होई संजीव वर्मा होरें आखेआ जे जेकर कुसै मतदाता दा नांऽ इक कोला मती थाहें पर औंदा ऐ तां एहूदा मतलब एहू नेई जे ओहू जानी बुज्झियै कीता गेदा ऐ, पर एहू गल्ल साफ ऐ जे इक मतदाता छड़ा इक बारी गै वोट पाई सकदा ऐ।

<><><><><><>

## Railway Extra Coach

उत्तर रेलवे दे जम्मू डिविजन नै धोषणा कीती ऐ जे ओहू त्यौहारें दौरान रश गी दिक्खदे होई जम्मू राजधानी एक्सप्रेस रेलगड्डी नम्बर 12426 च बादू थर्ड एसी कोच लाग तां जे यात्रिएं गी सहूलत होई सकै। एहू कोच 7 ते 14 मार्च गी लाई जाग। एसदे कन्ने बादू 72 सीटां हासिल होङन- जेदे कन्ने यात्रिए दे रश कन्ने निबडने च मदद थ्होग ते यात्रिएं दी वैलिंग लिस्ट बी धट्ट होग। सिनियर डिविजनल कमरशल मैनेजर उचित सिंघल होरें आक्खेआ ऐ जे एहू गैऽ यात्रिए दी सहूलत प्रति रेलवे दी बचनबद्धता गी जाहिर करदी ऐ। यात्रिएं गी आक्खेआ गेआ ऐ जे ओहू सीट दी उपलब्धता आधिकारिक ववैबसाईटें पर दिक्खी लैन या फीहू ओहू रेलवे दे नम्बर 139 पर बी सम्पर्क करी सकदे न।

<><><><><><>

## SqdnLeader Neha

जम्मू थमां भारती वायु सेना दी इक अफसर स्कार्डन लीडर नेहा देवा हुंदा सफर, अनुशासन, ममता ते सीमा दे परे विश्वास दा प्रतीक ऐ। इनें एयर फोर्स अकादमी जुलाई 2013 च ज्वाइन कीती ही, जिसलै उंदा भार 10 किलोग्राम मता हा। इक साल दे अंदर अपनी अनथक कोश्टें दे जरिए उनें अपने आप च बेहतरीन बदलाव आंदा ते जून 2014 च सेवा च शामिल होइयां। 2017 तोड़ी नियमित द्रौड ते सख्त प्रशिक्षण उंदी पंछान दा हिस्सा बनी गेआ। कोविडरान जिसलै प्रशिक्षण रूकी गेआ हा, नेहा देवी होरें घर च गै कसरत गी अपनाया।

<><><><><><>

## YSS-JKSC

जम्मू-कश्मीर च भलेआं हेठली सतह पर खेडहें गी बढ़ावा देने दी इक बड्डी कोशश दे तैहत जम्मू च अज्जै थमां YSS-JKSC क्रिकेट प्रीमियर लीग दी शुरुआत कीती जा'रदी ऐ। एहदा आयोजन युवा सेवाएं ते खड्डें सरबन्धी विभाग आसेया जम्मू-कश्मीर खेड्डू काउंसल दे सैहयोग कन्ने कीता जा'रदा ऐ ते एहदा मकसद खेडहें गी बढ़ावा देना ते मकामी हुनर गी इक मंच उपलब्ध करोआना ऐ। इस प्रतियोगिता दी औपचारिक शुरुआत अज्ज संजा 5 बजे थमां जम्मू दे मौलाना आज्ञाद स्टेडियम च कीता जाहग। खेड्डू मंत्री सतीश शर्मा होर इस कार्यक्रम दे मुख परौहने होङन।

## Martyrdom Day

कारगिल शहीद हवलदार कुलबीर सिंह हुंदा 27मां शहीदी ध्याडा पूरे सैनिक सम्मान कन्नै उन्दे पैतृक ग्रांऽ कोलपुर, साम्बा च मनाया गेआ। हवलदार कुलबीर सिंह होर 8मीं सिख रेजीमेंट दे सैनिक हे। 10 मद्रास रेजीमेंट दे अधिकारिएं, बसनीकें, जवानें, पुलस अधिकारिएं, साबका सैनिक, राजनीतिक दल दे नेता ते शहीद दे परिवार आह्लें इस मौके शहीद कुलबीर सिंह होरें गी श्रद्धांजलि भेंट कीती।

साबका मंत्री मंजीत सिंह होरें बी इस मौके अपने विचार सांझा कीते।

<><><><><><>

## Sericulture Ramban

रामबन च रेशम उत्पादन विभाग शहतूत दी राईबाई ते रेशम दे कीड़े पालन दे राएं ग्रामीण आजीविका गी बधाने लेई कम्म करा'रदा ऐ। उच्च गुणवत्ता दे बी मकामी स्टेशनें राएं बंडे जंदे न ते आत्मा ते सिल्क समग्र- 2 ज्नेही योजनाएं दे तैहत सिखलाई दिती जंदी ऐ। विभाग रेशम दे कीड़े पालने आह्ले नौजोआनें ते महिलाएं लेई कौशल विकास कार्यक्रम चलांदा ऐ तां जे कोकून उत्पादन गी बढ़ावा दित्ता जाई सकै, सुचारू पालन यकीनी बनाया जाई सकै ते पूरे खेत्तर च स्थाई, सम्मानजनक आजीविका गी बढ़ावा दित्ता जाई सकै।

<><><><><><>